

經部

飲定四庫全書

校官監察御史沈孫建

給事中臣温常授獲勘

經部

校對官中書臣田尹衡 腾 銀監生日鐘 浩

總校官進士臣緣 琪

天三日三二八十 欽定四庫全書 提要 秋辯義 書大旨分為六義曰經義曰傳義曰書義曰 不書義曰時義曰地義持論皆平正其經文 儀縣教諭平生頗以匡濟自任著述甚多是 臣 爾康字去病仁和人萬歷士子舉人當官沒 等謹案春秋辯義三十八卷明卓爾康撰 春秋柳莪 經部五 春秋類

/: 一心 官偶 類叙亦颇便省覽中間立義未當者如甲 每條之下大抵皆雜採前人成說排比詮 格等二十二名其甲至癸十日寅至丑 國本末一篇取繁於盛衰與亡之大者别 辰古人但用以紀日而並不以紀歳又如 已五陳侯鮑卒以為是甲戌年正月已五史 而 間以己意折衷之每公之末又各附以列 倒其文不知古人紀歲自有關逢攝

7 - 17 Iga 1-1-1 成者文義皆誤又謂以成米亂乃著諸侯之 來渝平當依左氏訓更成其以為墮成不果 可為訓然其他可採者亦復不少如謂鄭 警議尤為有意翻新而致害於理此類皆不 去者故使人言王狩以邀之其心甚盛無 天王狩於河陽謂晉欲率諸侯朝王恐有畔 不知晉之梁山崩宋衛陳鄭災豈皆三恪乎又 春秋游美 可

石六端謂外災何以書為其三格且在中土

金艺匠五三百二 找一家言找一人亦言我 公羊以伐為大之 無所闡發也乾隆四十三年六月恭校上 乃不知侵伐之義強為之辭其說皆明白正 大足破諸家拘文奉義之見於經旨固未當 解我後凡伯于楚丘謂一國言伐一色亦言 罪為春秋特筆其以成為平者恃教殊甚又 總養官民犯的臣母熊子孫士教 校官臣陸

フィス・ゴ・シー・・・・・ラー 微称說暴行又作臣就其君者有之子 春秋游美 十世希不失矣自大夫 助 世希不失矣天下有道 人不議 卓爾康 撰 出

義則丘竊取之矣〇五伯三王之罪人也令之諸侯五 魯之春秋一也其事則齊桓晉文其文則史孔子曰其 者之迹熄而詩亡詩亡然後春秋作晉之乘楚之檮 孔子曰知我者其惟春秋乎罪我者其惟春秋乎〇王 弑其父者有之孔子懼作春秋春秋天子之事也是故 莊周氏日春秋經世先王之志也聖人議而不辯春秋 上伐下也敵國不相征也 之罪人也〇春秋無義戰彼善于此則有之矣征者 杌

表首

漢上大夫壺遂曰昔孔子胡為作春秋太史公曰余聞 之董生周道廢孔子知時之不用道之不行也是非 見之行事之深切明者也上明三王之道下辨人事之 かんかいのかけんですー 前有幾而不見後有賊而不知為人臣者不可以不知 數千萬物之聚散皆在春秋有國者不可以不知春 經紀撥亂世反之正莫近于春秋春秋文成數萬其旨 百四十二年之中以達王事子曰我欲載之空言不如 春秋辯美

以道名分

春秋守經事而不知其宜遇變事而不知其權為人君 通春秋之義者必陷篡弑誅死之罪其實皆以善為之 父而不通春秋之義者必蒙首惡之名為人臣子而不 之曰天王狩於河陽推此類以繩當世筆則筆削則 子夏之徒不能賛一辭 不知其義故春秋禮義之大宗也又曰吳楚之君自 王而春秋貶之日子践土之會實召天子而春秋諱 知幾氏日春秋家者其先出於三代按汲冢璅語 記

韓宣子來聘見魯春秋日周禮盡在魯矣斯則春秋之 十七年事國語云晉羊舌肸習于春秋左傳昭二年晉 太丁時事目為夏殷春秋孔子曰屬辭比事春秋之教 也逮于仲尼之脩春秋也乃觀周禮之舊法遵曾史之 春秋之别名者乎故墨子曰吾見百國春秋益皆指此 年其所記事皆與魯春秋同然則乘與紀年檮杌其皆 日事非一家至于隱沒無聞者不可勝載又按竹書紀 知春秋始作與尚書同時頭語又有晉春秋記獻公

次七日車主書

各秋鄉美

而定歷數籍朝聘而正禮樂微婉其說隱晦其文為不 遺文據行事仍人道就敗以明罰因與以立功假日 注多違舊章宣父因魯史成文考其行事而正其典禮 以為春秋者周公之志也暨乎周德衰典禮丧諸所記 啖助氏日夫子所以修春秋之意三傳無文說左氏者 也舍則無所取表矣 刊之言著将來之法故能彌歷千載而其書獨行 王文中日春秋之于王道是輕重之權衡曲直之繩墨 月

夫子之作春秋将以點周王魯變周之文從先代之質 というらんかり 失萬目從而大去者也予以為春秋救周之弊革禮 事業定天下之邪正使善人勸馬溫人懼馬吾觀三家 解殼梁者則曰平王東遣周室微弱天下板湯王道盡 矣夫子傷之乃作春秋所以明點陟者勸戒成天下之 上以遵周公之遺制下以明將來之法言公羊者則曰 '說誠未達乎春秋大宗安可議其深音可謂宏綱 何以明之前志曰夏政忠忠之弊野殷人承之以敬 春秋辯義 既

當從夏政夫文者忠之末也設教于本其弊猶未設教 春秋以權輔正以誠斷禮用忠為道原情為本不拘浮 言唐虞淳化難行于季末夏之忠道當變而致馬是故 之道不勝其弊又曰後代雖有作者虞帝不可及已盖 廢紀人偷大壞夫子傷之日虞夏之道寡怨于民般周 散之弊思周人承之以文文之弊儘救儘莫若以忠復 公既沒莫知改作故其頹弊甚于三代以至東周王綱 于未弊將若何武王周公承殷之弊不得已而用之周

金りしたとうも

化人足矣何必復作春秋乎且游夏之徒皆造堂室其 所論褒贬之首唯據周禮若然則周德雖衰禮經未泯 循環然太史公亦言聞諸董生曰春秋上明三王之道 貞而不該進退抑揚去華居實故叛文之弊革禮之溥 名不尚狷介從宜救亂因時無防或貴非禮勿動或貴 帝三王之法以夏為本不全守周典禮必然矣據杜氏 とこうらいた 也古人日殷變夏周變殷春秋變周又言三王之道 公羊亦言樂道堯舜之道以俟後聖是知春秋然用二 春火辯義 少口

變周之文從先代之質雖得其言用非其所不用之于 同列國首王正以大一統法先王以點諸侯不書戰以 罪我者亦春秋乎斯則杜氏之言陋于是矣何氏所 周公之志仲尼從而明之則夫子曷云知我者亦春 衰天命未改所言變從夏政惟在立忠為教原情為本 性情而用之于名位失指淺末不得其門者也周德 于典禮固當治聞述作之際何其不能贅一辭也又云 謂 改革爵列損益禮樂者也故夫子傷主威不行 秋 雖 云

卷首

殊無深指且歷代史書皆是懲勸春秋之作豈獨爾乎 聖反經毀傳訓人以逆罪莫大馬范氏之說粗陳梗概 というらんなから 趙 說俱不得其門也 示莫敵稱 天王以表 無二尊唯王為大邀矣崇髙反云)質予謂春秋因史制經以明王道其指大要二端而 周王曾以為春秋宗指兩漢專門傳之于今悖禮 匡氏曰啖氏依公羊家舊說云春秋變周之文從夏 知雖因舊史酌以聖心撥亂反正歸諸王道三家之 春秋鄉義 誣

金りな 裁之聖心以定褒貶所以窮精理也聖人當機發斷 胡堯卒望朝聘盟會此常典所當載也故悉書之隨 世之宗指安在在尊王室正陵借舉三綱提五常彰善 皆違禮則書之是與常典也非常之事典禮所不及)與常典也者權制也故凡郊廟喪紀朝聘蒐狩昼 一殿中辨感質疑為後王法何必從夏子然則春秋救 謂體者其大縣有三而區别有十所謂三者凡即位 惡如斯而已故褒貶之指在乎例級叙之意在乎體 た人生 則 取

實二日略常以明禮三曰首解以從簡四曰變文以示 不取故公穀云常事不書是也其非常者及合于變之 **並非常之事亦史冊所當載夫子則因之而加褒貶馬** 慶瑞災異及君被殺被執及奔放逃叛歸入納立如此 正者乃取書之而増損其文以寄褒貶之意此其二也 國之大事亦所當載也其合禮者夫子脩經之時悉皆 邗正而加褒貶此其一也祭祀婚姻賦稅軍旅嵬狩旨 此其三也此述作之大凡也所謂十者一曰悉書以志

Propriet City

春秋辯義

禮八日詳内以異外九日闕畧因舊史十日損益以成 意五日即解以見意六日記是以者非七日示諱以存 縣官之才民吏不能及也是以小智不及大智况里 離則是左氏之書爾馬足以見條例而稱春秋乎離簡 離知其體推其例觀其大意然後可以議之耳或曰聖 金牙巨 義隱理自當爾非微之也故成人之言童子不能曉也 人之善惡必有淺深不約其辭不足以差之也若廣其 人之教求以訓人也微其辭何也非微之也事當爾也

非上智不能也〇五經載道之文春秋聖人之用五經 之讓也 1 0.10 ml /11 m 程子曰春秋大義數十奶如日星乃易見也惟其微離 欲勿學而能此豈里卷之言尚爾而易知乎或曰春秋 神聚眾材然後知作室之用于一事 而欲窥聖人之 與義時指從宜者為難知也夫觀萬物然後識化工之 始于隱公何也答曰一則因平王之東遷也二則與隱 之言乎此性情自然之品彙非微之也今持不速之資 春秋辯義 用

見法之用又日五經如樂方春秋如用樂治病聖人之 用全在此書春秋一句即一事是非便見于此乃窮 ゥ 要學者只觀春秋亦可以盡道矣○春秋已前既 例到後来書得全別一 人因謂之例然有事異而辭同者盖各有義非可 例觀之殊失之也又日春秋大率所書事同則辭 有春秋猶法律之有斷例也律令惟言其法斷 也又曰县看春秋有兩句法以傳考經之事迹以經 般事便書得別有意思若依 纫 例

金ラレノノニュ

卷首一

大于四國者也不先定四國之功過則事無統理不 2.10.1 ht. 7 聖人意矣孫明復云春秋有貶而無褒邵子曰春秋禮 春秋之間有功者未有大于四國者也有罪者亦未有 首罪之題也先定五伯之功過而學春秋則大意立矣 伯實有功于天下安得不與之也又曰人言春秋非 法 廢君臣亂其閱有能 為小善者安得不逃之也况 五 邵子日春秋孔子之刑書也功過不相擀五伯者功之 別傳之真偽 一文雜之

金好口屋在書 張子曰春秋之書在古無有乃仲尼所自作惟孟子為 道馬春秋録實事而善惡形于其中矣 作故謂之名分之書又曰夫聖人之經渾然無迹如天 其說多鑿 于其間故春秋盡性之書也又曰春秋為君弱臣強 命書非也聖人無我繇性命而發因事褒貶皆非有 意 胡氏曰古者列國各有史官掌記時事春秋曾史爾仲 知之非理明義精始未可學先儒未及此而治之故 卷首一 而

使亂臣賊子禁其欲而不得肆則戚矣故君子以為五 之作過人欲于横派存天理于既滅為後世處至深遠 經之有春秋猶法律之有斷例也學是經者信窮理之 也罪孔子者謂無其位而託二百四十二年南面之權 次三日草三三 折衷天下不知所適人欲日長天理日消其勢若江 以取士庠序不以設官經筵不以進讀斷國論者無所 要矣近世推隆王氏新說按為國是獨于春秋貢舉不 春秋辯義

尼親加筆削乃史外傳心之要典也知孔子者謂此書

貫通然尊君父討亂賊關邪說正人心用夏變夷大法 詔旨報不自揆謹述所聞為之說以獻微詞與義或未 就下真之遏也隱至此極矣仲尼親手筆削撥亂反正 之書亦可以行矣天縱聖學崇信是經乃于斯時奉承 書其事善惡自見春秋大古其可見者誅亂臣討賊子 亂世之事聖人一切裁之以天理聖人作春秋不過 朱子曰春秋以形而下者說上那形而上者去春秋皆 **畧具庭幾聖人經世之志小有補云** 直

有義也 火ビジャー Cutural 國敗人之爵諸侯而或書其名大夫而或書其字不惟 蘇子曰賞罰者天下之公也是非者一 内中國外夷狄貴王賤伯而已未必如先儒所言字字 周之衰也位不在夫子而道在馬夫子以其權是非 所在則聖人以其權為一人之私而天下以榮以辱 可也而春秋賞人之功赦人之罪去人之族絕人之 在則聖人以其權為天下之公而天下以懲以勸 春秋辯美 人之私也位之 道

勝位位之權得以賞罰而道之權不過于是非道在我 為之其何以責天下位公也道私也私不勝公則道不 天下之諸侯大夫偕天子諸侯之事而作春秋而已則 山坟 矣而不得為有位者之事則天下皆曰位之不可惜也 日我可以賞罰人矣賞罰人者天子諸侯事也夫子病 日夫子豈誠賞罰之耶徒曰賞罰之耳庸何傷曰我非 其法惟其意不徒曰此是此非而賞罰加馬則夫子固 此不然天下其誰不曰道在我則是道者位之賊也

繼之曰某為善吾賞之某為惡吾誅之則人有不笑我 孝經皆自名之則夫子私之也而春秋者魯之所以名 魯罰之也何以知之曰夫子繋易謂之繋辭言孝謂之 者乎夫子之賞罰何以異此然則何足以為夫子何足 君也非吏也執塗之人而告之曰其為善其為惡可也 日我作之也賞罰之權不以自與也曰此曾之書也曾 之作也有善而賞之則曰魯賞之也有惡而罰之則曰 以為春秋日夫子之作春秋也非日孔氏之書也又非 , 大肆 克

桓晉文陽為尊周而實欲富強其國故夫子與其事而 然則假天子之權宜何如曰如齊桓晉文可也夫子欲 子之權以賞罰天下以尊周室故以天子之權與之也 不與其心周公心存王室雖其子孫不能繼而夫子思 史夫子託魯則夫子公之也公之以魯史之名則賞罰 也魯問公之國也居魯之地宜如周公不得已而假天 之權固在魯春秋之賞罰自魯而及于天下天子之權 如齊桓晉文而不遂以天子之權與齊晉者何也齊

一多立匹库全書

魯也子貢之徒不達夫子之意續經而書孔丘卒夫子 之心然後可以行桓文之事此其所以不與齊晉而與 周公而許其假天子之權以賞罰天下其意曰有周公 知其誰與天下之人烏有如周公之後之可與者與之 天下有君則春秋不當作天下無君則天子之權吾不 書而子貢之徒以為孔氏之書也歟春秋有天子之權 秋以公天下而豈私一孔丘哉嗚呼夫子以為魯國之 既告老矣大夫告老而卒不書而夫子獨書夫子作春 一大洋色

金字四库全書 然天下之人曾患求而莫得其意之所主此其故何 子吾意則吾言優柔而不怒天下之情其喜怒哀樂之 册者甚多而其喜怒好惡之所在者又甚明而易知也 情可以一言而知也喜之言遂可以為怒之言那此天 而無所與則散嗚呼後之春秋亂耶偕耶散耶 而不得其人則亂不與人而自與則借不與人不自與 下之人皆能辨之而至于聖人其言叮寧反覆布于方 又曰事有以拂乎吾心則吾言忿然而不平有以順適

太過是以聖人之言更為深遠而不可曉春秋二百四 善而喜則求其是非之際又可以求諸其言之喜怒矣 言之者喜而言之則其言和而無傷怒而言之則其言 十二年之間天下之是非雜然而觸于心見惡而怒見 屬而不溫怨而言之則其言深而不淺此其大凡也春 今夫人之于事 有喜而言之者有怒而言之者有怨而 文足曰·司人············ 秋之于仲孫秋之來曰齊仲孫于季友之歸曰季子來 各秋鄉義

天下之人以為聖人之文章非復天下之言也而求之

ないした べり 歸此所謂喜之之言也于曾鄭之易田曰鄭伯以璧 許田于晉文之召天王曰狩于河陽此所謂怒之之言 伐凡伯于楚丘而以為衛伐凡伯春秋書曰齊仲孫來 以為喜何足以為怒此喜怒之所不在也春秋書曰戎 也于叔牙之殺曰公子牙卒于慶父之奔曰公子慶父 月土地皆所以訓也夫日月之不知土地之不詳何足 而深此三者無以如矣至于公羊穀梁之傳則不然日 如齊此所謂怨之之言也夫喜之而和怒之而厲怨之 假

禮義之大宗也為人君父而不知春秋者前有讒而不 詞氣之所獨而已矣 決定四号人三三 N - 春秋期義 見後有賊而不知為人臣子而不知春秋者守經事而 而以為吾仲孫怒而至于變人之國此又喜怒之所不 春秋而定非定于春秋定于禮也故太史公曰春秋者 馬故凡天下之邪正君子之所疑而不能決者皆至于 又曰記曰禮者所以别嫌疑定猶豫也而春秋一 及也愚故日春秋者亦人之言而已而人之言亦觀其 一取斷

是以被之空言而不敢辭夫那正之不同也不啻若黑 臣不臣父不父子不子其實皆以善為之而不知其義 知其義以陷于邪者有之矣此春秋之所以叮嚀反復 也其情則邪而其逆者正者有之矣其情以為正而不 跖雖微春秋天下之所信也天下之所疑者邪正之間 于其間也宋襄公疑于仁者也晋荀息疑于忠者也 白使天下凡為君子者皆如顏湖凡為小人者皆如桀 知其宜遭變事而不知其權夫禮義之失至君不君

馬前息之事君也君存不能正其違没又成其形志而 哉而獨至于戰則曰不禽二毛不鼓不成列非有仁者 公不脩德而疲弊其民以求諸侯此其心豈湯武之心 宋公及楚人戰于沿宋師敗續春秋之書戰未有若 世為仁者相率而為偽也故其書曰冬十一月乙巳朔 之素而一旦竊取其名以欺後世首春秋不為正之 死馬首息而為忠則凡忠于盜賊死于私睡者皆忠也 此其詳也君子以為其敗固宜而無有隱諱不忍之辭

RALID ... 1. 1.1.5

春秋辯義

夫

金牙口屋人 善惡惡不足以懲勸聖人因魯史記以聞見其事筆而 東遷以來威令不振諸侯無所禀畏而史官有虚美隱 鄭樵氏曰古者諸侯之國各自有史書成而獻于王王 罪出于史臣之私鄭史書薰隊之盟屈于權臣之勢善 惡者百世之下衆史并作予奪不同如董孤書超盾之 命内史掌之以別其同異及其虚實而知其美惡周自 而可乎故其書曰及其大夫首息不然則首息孔父之 而可名哉

世因列國之史斷以聖人之經則史之不實者即經以 為經二百四十二年之事約于一萬八千言之間使後 又曰或者求春秋之旨過髙則謂夫子以匹夫專天子 至也為萬世吾于此見之 為周造端乎一國及其至也為天下造端乎一時及其 左氏取之以為傳也吁春秋一經造端乎魯及其至也 之事其言為不徵故當時髙弟以文學稱如子游子夏 傳其實經之所不載者即史以知其詳此聖人之意而 ★二. 與 我 Ĕ

金万正库全言 而已即其舊文而用之則如獲君曰止誅臣曰刺曰殺其 未可以言春秋也舊史之文可則修之疑則闕之如 于汲蒙之類是也易其舊而脩之則如公羊所論星 大夫日執我行人趙盾裁其君出于董孤鄭棄其師 言春秋也經書趙鞅師師納衛世子蒯瞶於戚此聖 不能指一解經書閏月不告朔猶朝于廟此聖人爱禮 正名之意也如子路日子之迁也美其正是子路之 之意也如子貢欲去告朔之鎮羊是子貢之智未可 卷首 智 陨 出

成已五之繼書丙戌丙戌之累書夏五之缺其月郭 少口 欠臣日 半十十五一 又日春秋之法重事而輕人詳內而略外無有所謂 敢言作也 君而臣不列馬卿在則書卿而大夫不列馬卿不在 也 缺其人之類是也故日聖人因曾史記以脩春秋未 雨穀梁所謂五石六端之類是也疑則闕之則如甲 國有相交之義則悉書之外此則弗書也君在則書 朝覲會盟禮樂之本也侵襲圍入征伐之舉也魯與 春秋辯義 131 тo

大夫将事然後大夫得書馬盟所以紀信裂總因盟苔 詳季子叔肸之卒延底郭周之役是也于他國則器晏 也故樂壓得書城杞大役也故高止得書以至首林父 之在齊是也春秋重事而輕人詳內而略外盖如此鳥 春秋之書因事以見人而非因人以見事書于曾國則 而得書聘所以講禮公子礼因聘魯而得書乞師大事 取狄士鞅之會吳又以赴告而與魯共事得書馬則 仲之善交权向之遗直封血刑書之在鄭反比塞 PJ

少少吃几个

常法曾不知侵伐入滅之例周之盛時不應預立其法 明亂逆縣之而彰可也謂損益乎曾史而明之彰之則 欠こうころう 一人 詳其辭也稷之會曰成宋亂劉單以王猛居于皇尹氏 或日首止之會盟葵丘之會盟皆再書為是美之大而 弗可也言之重辭之複必有大美惡馬此先儒之說也 劉永之日春秋因乎魯史而筆之傳之而王法繇之而 真知言乎 有所謂例耶善乎柳宗元之言曰杜預謂例為周公之 春秋鄉美

為二事矣合而一事則同書離而二事則異書固當然 者有非承赴告之辭聞而知之而書之者此五者其凡 也而皆所以紀實也或會而盟盟而同日是會之與盟 其始者有重其始而錄其終者有承赴告之辭而書之 其凡有五有據其事之離合而書之者有重其然而 立子朝而先之以王室亂皆複言馬是惡之大而詳 也抑當考之盖史策之實録而其紀載之體異馬爾 而為一事矣或會而盟盟而異日是會之與盟離 而 其

是二者而言之特以明其所重也他如書夏來則先言 之會美矣而盟不與書同日也平丘之會無美馬而盟 以宋災故此重其始而録其終也會未有言其故者于 録其始也既書曰宋災伯姬卒也于澶淵之會則終之 書其取內也於稷之會則始之以成宋亂此重其終而 則異書異日也皆實之紀也非美之大而詳其辭也將 也夫首止之與葵丘也皆夏之會而秋之盟是離而為 二事矣故再書馬此據其事之離合而書之者也踐土 春秋辯義

大小田田人はあ

多寡亦書人此聞而知之者也皆實之紀也非惡之大 有 來告矣此承赴告之辭而書之者也他如程子之傳例 室亂此非承赴告之群聞而知之而書之者也劉單以 州公如曹書齊侯代北照則遂書暨齊平皆是物也子 王猛居于皇則來告矣敬王居程泉而尹氏立子朝則 詳其離也曰言之重辭之複必有大美惡者馬先儒 ケロたとう 曰將甲師少例書人此承赴告者也不知將即名氏 之亂叔鞅至自京師而言之未知其孰是馬故曰王 表看一

甚春秋穿鑿之患其原起于三傳而後之諸儒又從而 皆知夫稷之為惡矣故曰因乎魯史而筆之傳之王法 之過也且夫其名也者乎簡册其跡也昭乎萬世不必 をこう自 ころう 為貶彼此互相矛盾者矣有同事而前以為褒後以為 羽翼之横生意見巧出義理有一事而或以為褒或以 吕大圭曰六經之不明諸儒穿**鑿害之也而春秋為尤** 縣之而明亂逆繇之而彰也 言之重也而皆知夫首止之為美矣不必離之複也而 **春秋辯 義**

國 明 名又若是其異也于是有以名稱爵號為褒貶之說愚 有 月若是其不同也于是有以日月為褒貶之說又見夫 君 名稱爵號為褒貶之說彼徒見夫盟一也而有日者 前後自相抵牾者矣紛紛聚訟而聖人之意益以 然其大端不過有二一日以日月為褒貶之說 不日者葬宜書日也而或書時入宜書日也而或書 有以折之蔑之盟不日則曰其盟渝也柯之盟不日 也而或書州或書國或書人或一人而前氏後 不 Ð

金牙以上人名中自

卷首

則日信之也將以渝之者為是乎信之者為是乎桓之 將以危之者為是乎美之者為是乎公子益師卒不日 孫婼卒于内而公在外公不與小飲也明矣又何以書 左氏曰公不與小飲也然公孫敖卒于外而公在内叔 盟不日而葵丘之盟則日之或曰危之也或曰美之也 大りりきしいよう 書日乎穀梁曰不日惡也然公子牙季孫意如亦惡矣 又何以書日乎葬必書月日而有不書月日者則日不 日乎公羊曰公子益師遠也然公子驅亦遠矣又何以 春秋鄉美

時而日危不得葬也然過時而日直指齊桓公而言當 **葬又有何危乎凡此者皆疑誤而難通者也孰謂春秋** 是時公子争國危之隱之可也衛穆公宋文公無齊桓 之也過時而不日謂之不能葬也當時而不日正也當 及時而日渴壅也不及時而不日慢壅也過時而日隱 之賢無争國之患過時而日有何可隐乎宋楊公之日 曰貶之也使榮叔歸成風之含脂而王不書天亦曰貶 必以日月為褒貶乎至于來歸仲子之弱而幸書名則

之含脂咎在天王而不在紫叔乎春秋書王本以正名 乎殼伯鄧侯稱名說者曰朝弑逆之人故貶之滕子 之也豈歸仲子之赗罪在家幸而不在天王乎歸成風 侯爵也朝弑逆之人貶而稱子朝桓可貶也終春秋 若以隱為始受命之君則尤謬妄之甚者也或曰滕本 國也以其先朝隱公故褒之朝隱有何可褒而褒之乎 侯獨非朝弑逆之人乎滕薛來朝稱爵說者曰滕薛微 分而夫子乃自貶王而去其天則將以是為正名分

次のうるという

各秋辯義

建

をならんとして 爵號為褒貶乎大抵春秋以事繁日以日繫月以月繫 可以 世 其君不稱楚子而何稱乎而何為進之乎若此之類不 室之命爵也或書荆或書楚猶之或書越或書於越書 一權天王能自執矣安得為春秋之世乎先書判繼 熙也夫使時王而能升熙諸侯之爵則是禮樂賞罰 不復稱侯豈皆以朝桓之故而貶之乎或曰為時王 已而書楚子說者曰進之也夫荆州名楚國名子周 二數要皆疑誤而難通者也熟謂春秋以名 卷首 書 稱

時故凡朝覲鬼狩城築作毀凡如此者皆以時成者也 時某事當某日而魯史但書其月聖人安得虚增甲子 時事成于日者書日事成于月者書月事成于時者書 會遇平如來至伐圍取救次遷成襲奔叛執放水旱雨 卒弑葬郊廟之祭盟狩敗入滅獲日食星變山崩地震 電水彗字益與凡如此者或以月成或以日成也崩毙 不日者皆史失之也假如某事當某月而魯史但書其 火災凡如此者皆以日成也其或宜月而不月宜日而 7/6.10 .or 2.4. 春秋辯義

春秋不以名稱爵號為寝貶也若夫因其所書月日之 乎是春秋不以日月為例也春秋據事直書而善惡自 則固有之矣非聖人因以是為褒貶也有如莊三十 前後而知其是非因其名稱爵號之異同而知其事 而舊史但者其名其與某在所貶而舊史但者其字則 非書名者皆貶而書氏者皆褒也假令其與其在所 見名稱爵號從其名稱爵號而是非善惡則繁乎其文 \ 將奔走列國以求其名與字而後著之於經乎是

卷首

楚則有以見其朝夷狄之國閱七月之久而勞于行也 秋螽冬嫁生則有以見連歷二時而災害薦作也莊 城小殼則有以見纔閱三時而大功屢與也宣十五年 てのこうら かふう 秋七月紀侯來朝九月入祀則有以見來朝方閱一月 三時而勞兵于外也岩此之類盖于書時見之桓二年 年春師次于郎夏師及齊師圍郊秋師還則有以見閱 而遽與兵以入之也昭七年三月公如楚九月公至自 春秋辫美

年春等臺于郎夏築臺于薛秋築臺于秦三十二年春

金ケビルとこも 當于災餘之為不敬已及整敬羸唐寅而克幹則有以 僖二年冬十月不雨三年春王正月不雨夏四月不雨 之間而再見天變也辛未取部辛已取防則有以見句 書月見之癸酉大雨震電庚辰大雨雪則有以見八日 六月雨則有以見其関九月而後雨也若此之類盖于 盟則有以見魯人之先晋而後衛已未同盟於難澤內 見明日乃堅之為無備丙午及前唐盟丁未及孫良夫 日之間而取其二邑壬申御廪災乙亥當則有以見其

寅及陳袁僑盟則有以見晋人之先盟諸侯而後盟大 書不書寓褒貶則誤矣若夫名稱爵號之異同則有以 夫若此之類盖于書日見之然以是為聖人以日月之 事之大小而其解因之以詳略者亦有前目而後凡者 というううしんはから 浸盛矣曾量柔鄭宛詹始也大夫猶不氏于後則大夫 世道之盛衰亦有因之以見者楚一也始書荆再書楚 有蒙上文而殺其辭者固難以一例盡而時變之升降 一吳也始書吳再書人已而書吳子于以見夷狄之 春秋鄉義

書名于以見吳楚之大夫皆往來于中國矣諸侯在丧 為政矣始也吳楚君大夫皆書人于後則吳楚之臣亦 無有不氏者鄭段陳侘衛州吁始也皆名之後則雖弑 君之賊亦有書氏者于以見大夫之浸強矣始也曹苔 非禮也紀公爵也而書伯滕侯爵也而書子于以見其 不用周爵而以國之大小為強弱也會于曹蔡先衛伐 無大夫于後則曹莒皆有大夫于以見小國之大夫皆 子有書子而預會預伐者於以見居丧而會伐之為

孫 皆以私意為輕重而無復禮文也垂朧之盟內之則公 先伯蕭魚之會世子長于小國之君于以見伯者為政 復用周班也幽之盟男先伯淮之會男先侯戚之會子 鄭則衛先祭于以見當時諸侯皆以目前之利害而不 從其名稱爵號從其爵號而是非善惡乃因而見之 以見大夫敵于諸侯而莫知其非也凡此者莫非名稱 聖人特以是為褒貶也學者必欲于名稱爵號之 教會諸侯召陵侵楚之師外之則齊國夏會伯主于 間

7.0. To ma A. A.

春秋华茂

ŧ

金尺匹八在七 能替 大之心爾學者之觀春秋心先破春秋以日月為例之 強為之說則務為新巧何所不至正恐非聖人明白 然矣若是則春秋所書皆據舊史爾所謂門人高第不 呖 而求聖人褒敗之意則室礙而不通矣于其不通也而 又曰或曰子謂春秋不以日月名稱爵號為褒貶則信 流論矣 與夫以名稱爵號為褒贬之說而後春秋之旨可得 辭者其義安在日有春秋之達例有聖人之特 正

爵號與夫盟則書盟會則書會卒則書卒幹則書葬戰 筆有日則書日有月則書月名稱從其名稱爵號從其 吳楚君者矣而吳楚之君不書葬是聖人削之也晉侯 5/6. JO 1. 1 2. 1. 1 史之舊文也加王馬是聖人筆之也中國之諸侯有望 史之所有而削之以示戒者此特筆也元年春正月此 吾無加損馬此達例也其或史之所無而筆之以示義 則書戰代則書伐私則書弒殺則書殺一因其事實而 召王見于傳者之所載而聖人書之曰狩所以存天下 春秋瓣義

書鄭立晉而書衛人立王子朝而書尹氏凡此者皆聖 出奔所以示人君之戒不但曰仲子而曰惠公仲子不 丘竊取之矣盖用達例而無加損者聖人之公心有持 人之特筆也故曰其事則齊桓晉文其文則史其義則 不日衛黎而日衛侯之兄黎陽虎陪臣書之曰盗吳楚 但日成風而日僖公成風不曰陳黄而曰陳侯之弟黃 之防齊殖出其君名在諸侯之策而聖人書之曰衛侯 號書之日子糾不書齊而小白書確突不書鄭而忽

生けのアルグラ音

卷首

後能雖門人高第預之可也精義所在豈門人高第所 筆以明其是非者聖人之精義達例所書非必聖人 之命平王之始年也隐公之初平王之末年也平王之 能指其辭哉非聖人不能與此 變也劉知幾乃云孔子述史始于堯典終于獲麟盖書 又曰讀春秋者先明大義其次觀世變所謂世變者何 アノハン・ラー・フィー・ 也春秋之始是世道之一變也春秋之終是世道之 之終春秋之始也孔子述書至文候之命而終者文候 各次年義

繇是而下則為春秋此獨非世道一變之會子此春秋 之皇然而聖人猶不忍絕也盖建之四十九年而無復 我于艱患已弭矣用資爾柜吧一白功已報矣其歸視 始不共戴天之仇未報而其命文侯之離曰汝多脩扞 之所以始也入春秋而荆楚横然猶時有勝負也盖至 毫振起之意聖人于是絕望矣縣是而上則為西周 獲麟之前歲而吳以被髮文身之俗偃然與晉侯為 師寧爾邦國無復事矣即此一 編而觀之已無與復

金少四母全書

卷首一

獲麟之歲而齊陳常弑其君齊自是為田氏矣在魯則 國者其大莫如楚而今也以望國東方之曾而奔走于 籍韓度魏斯為諸侯之漸已具矣向也夷狄之交于中 矣在晉則自趙鞅入終之後晉國之政盡在六卿而趙 自季孫逐君之後曾國之政盡在三家而曾君如贅旅 两伯矣入春秋而大夫強然猶未至于竊位也盖至于 次定四号了主 伯主不競而諸侯之争地争城者日以擾擾而無一息 偏方下國之越以求自安矣向也諸侯猶有伯而今也 春秋辯美

變為戰國此又非世道一變之會乎是春秋之所終也 然不特此也合春秋一經觀之則有所謂隱桓莊閱之 寧矣故自獲麟之前其世變為春秋自獲麟之後其世 春秋有所謂僖文宣成之春秋有所謂襄昭定哀之春 命于一邦古無有也僖之元年而齊遷那二年城衛四 而同盟于幽于是合天下而聽于一邦矣合天下而聽 秋伯主未盛之時莊之十三年而會于北杏二十七 伐楚五年會世子九年盟葵丘而安中夏攘夷狄之

權皆在伯主矣伯主之未與諸侯無所統也而天下猶 ということを 國無伯者十餘年二十八年而有城濮之戰于是中國 者極寡伯主之與固世道之一幸而王迹之熄獨非世 嗣文之業靈成景厲不足以繼悼公再伯而得鄭駕楚 統也而天下始不知有王故僖文以後之春秋其書王 知有王故隱桓之春秋多書王伯主之既與諸侯有所 道之哀耶僖之十七年而小白卒小白卒而楚始横中 之伯告之在齊桓者今轉而歸晉文矣晉襄繼之猶能 春秋辯美

尚殿幾馬自是而後晉伯不競盖至于襄之二十七 年 桓莊閔之春秋固已傷王亦之鬼觀襄昭定哀之春秋 再主夏盟而晉之會諸侯錄是止郭陵以後參盟見矣 召陵之典晉盖不預中國之事者十年平丘之盟雖曰 舊書于是晉楚夷矣四年而楚靈大會于申實用齊 而宋之會晉楚之從交相見昭之元年而號之會再讀 下之無伯非細故也天下之無伯而春秋終馬故觀 參盟見而後諸侯無主盟者天下之有伯非美事也天 隱 桓

金りしんとう

尤以傷怕業之衰此持其大者爾其他如荆人來聘夷 狄之臣始未有名字也于後則名字著于經矣無駭挾 愈薄遡之而上文武成康之盛可以接堯舜之傳沿 據大夫之邑矣合春秋 自相盟于後則大夫自相盟矣始也諸侯偕天子于 卒諸侯之大夫始未有書字也于後則有生而名氏者 矣始也諸侯盟諸侯于後則大夫盟諸侯矣始也諸 則大夫僣諸侯矣始也大夫竊諸侯之柄于後則陪 j <u>.</u> 7 春火群美 一經觀之大抵愈趨愈下愈久 侯 後 臣

子之法如胡氏說公及宋公遇于清宋公陳侯祭人衛 首楚望日春秋之初如衛州吁之事此時事體當責王 變以研事之實則春秋一經亦思過半矣 室及春秋中世當責伯主及其後肆無忌憚然後用 鑑者託始于韓趙魏之為諸侯其亦所以繼春秋之後 歟學春秋者既能先明大義以究理之精又能次觀世 人代鄭說得似急迫恐非本意及哀亂之極王者既不 而下則七雄分裂之極不至于秦不止後之作編年通

金安四庫全書 一

卷首

凝理 趙子常曰策書者國之正史也班固藝文志因謂魯周 得處却須要悟如桓公子糾事非悟則不化不化則終 公之國禮文備物史官有法杜元凱亦以備物典策為 可差忒推到盡處自然見聖人之心然亦有窮極推 てこううこ ことう 諸侯又無伯聖人既生此時不應坐視其弊此春秋 秋之制而孔顏達以為若今官程品式之類皆為曾 以不得不作○澤推春秋如推校日歷相似分毫不 各秋鄉義

時與夫災異慶祥之感而一國紀綱本末略具善惡亦 會同崩薨卒整禍福告命雲社稀當鬼狩城築非禮 前後相承有非他國可及者然古者非大事不登于策 西周未亂之時其書于策者不過公即位逆夫人朝聘 微諸侯背叛伯業又衰異楚縱橫大夫專政陪臣擅 存其中盖策書大體不越乎此而已東遷以來王室益 小事則簡牘載之故曰國之正史也今以春秋所言準

金文匹尼在書

卷首

之舊史有周公遺法在馬自伯禽以來無大丧亂史官

策書之大體而一國本末具馬者皆有筆而無削使不 故孔子斷自隱公有筆有削以寓其撥亂之志其所謂 納入之瘦相尋而策書常法始不足盡其善惡之情矣 有削以行其權有筆無削以存其實實存而權益達權 失曾國正史之常所謂存策書之大體者也是故有筆 于是伐國滅國圍入選取之禍交作弑君殺大夫奔放 PLANT OF DELINE 左氏不知有筆削之古為公羊學者遂以春秋為夫子 達而實愈明相錯以暢其文相易以成其義者也然自 春秋鄉義

博采衆國之書通修一代之史者于是褒贬之說盛行 寄文于是有書有不書以互顯其義其所書者則筆之 又有以為有貶無褒者又有以一經所書皆為非常而 削子夏之徒不能賛一解正謂此也盖當考之筆削之 不知有存策書大體之義而已假筆削行權者何也孔 不書者則削之史記世家論孔子為春秋筆則筆削則 子作春秋以寓其撥亂之志而國史有恒體無辭可以 事不書者有謂點周王魯者有謂用夏變周者其失

金ケセんとこ

卷首一

例有三曰不書曰變文曰特筆而存策書大體與日月 非有關于天下之大故不悉書是也凡書不書之大端 有罪不書動王復辟不書之類是也五日略輕以明重 類是也三日略彼以見此以來歸為義則不書歸以出 至之類是也二日晷常以明變釋不朝正內女歸寧之 奔為義則殺之不書之類是也四日略是以者非諸殺 之法不與馬不書之義有五一日畧同以顯異行不書 とこうら こよう 不出于此而夫子于春秋獨有知我罪我之言者以其 春秋辯美

也 異同詳略以求之所以決嫌疑明是非而非褒貶之謂 矣是故有變文之法馬雖所因革不越乎一二字間而 然或有文同而事異者有事同而文異者其與奪無章 義者何也春秋雖有筆有削而所書者皆從主人之辭 假筆削以寓撥亂之權事與刑詩定書異也變文以示 而是非不著則非唯不足以盡事變而反足以亂名實 非得失之故可無辯而自明將使屬辭比事者即 然文有可變者有不可變者有異其文以異其事者

金牙巴尼人三百

有併上文以見其罪者諱一也識在内與識在外異稱 夫專兵而諸侯散此春秋之實也夫春秋之名實如此 秋之名也諸侯不王而伯者與中國無伯而夷狄橫大 主其辭當其名必辨于物其知者以為文理客察足以 ここう ここと 將以示後世日實録可乎實錄且猶不可而況于聖人 正必書王諸侯書爵大夫稱名氏四夷大者稱子皆春 有別也其不知者謂之無達例而已辯名實之際何也 也怕主與諸侯異公子稱字與大夫異稽其類不 莱

撥亂以經世之事哉此辯名實所以為春秋之要義也 沈之會國家受亂之繇夷狄盛衰之變天下大勢之所 序君大夫將略其恒辭則稱人是也此二者實王伯升 名以責實諸侯無王則正不書王中國無伯則諸侯不 盖其說有二一曰去名以存實征伐在諸侯則大夫將 不稱名氏中國有伯則楚君侵伐不稱君是也一日去 正名分決嫌疑也筆削不足以盡義然後有變文若去 而一經之極要也是以聖人深致意馬特筆者所以

一金定匹库全書

寒香

信 言之則許世子止弒其君莒人滅鄶之類三傳皆不足 足以盡義是故有持筆皆謂有所是正者也此所謂持 亂久禍極大分不明而又有非常之故馬則變文亦不 書其事而褒贬自見彪之說春秋可謂得其髓矣以此 殺史見極言殺其繁辭以成簡嚴之體平易正直言直 楊用脩曰班彪氏曰殺史見極平易正直春秋之義也 筆以正名也 とこうき ことう 春秋月美 į

金大でかる主 春秋辯義卷首 卷首一

定四庫全書

經部

春秋辯義卷首二

詳校官監察御史臣沈孫建

給事中日温常後獲勘 總校官進士臣緣

琪

校對官中書日田尹衡 腾 銀監生日鐘

浩

ワヘコンリ ラート・トラ 直道之 難明也其熟從而求之日孔子曾自 各伙辩義 之心在馬而謂其文 無所毀譽之書也直道 非春秋亦非之春秋者 斯民三代所以直道而 卓阚康 撰

隐 春秋之為春秋以誅亂討賊而已子而嚴父臣而敬君 意為之也雖其以意陷于弑逆而其直道而行之心固 者哉人人知其為非而或陷于弑逆馬者皆人所為以 人人有不知其為是而弑君篡父人人有不知其為 然而在也聖人早為之辯醒其隱然而在之心以 而往往謂之微鮮是以說之過詳而其義益散且夫 勃然感動于邪之意是以亂臣賊子懼馬而能自 人之所與知者子儒者則以為聖經不如是之淺 消 谬 訓

金少口人人工

卷首二

賊子懼孔子之懼心斯人直道而行之心一也斯人直 之于隐然而在者之不容息是以能使之懼也非書其 謂其文有非人人所與知者乎 道 而 ラース・こう あっしいよい 二日 也其使之懼者不逆之于勃然而動者之不可隱而牖 而行之心亂臣賊子之懼心一也人人之心在馬而 不敢為之謂也故曰孔子懼作春秋春秋成而亂 以懼之之謂也其懼者但覺其隱然而在者之忍露 不覺其勃然而動者之暗消是以懼也非懼其書我 一八年岁 臣

罪之諸侯朝于天子而諸侯之自相與也有聘禮無朝 禮凡其不朝于天子而私相朝者罪也故凡春秋之書 又日春秋王道也天下無二尊是王道也禮樂征伐會 于天子而私會私盟者罪也故春秋凡書會書題者皆 以實禮親邦國而以問會發四方之志天子巡行諸 無有一人之敢作好惡作威福是王道也是故大宗伯 朝則設方明而盟是會盟者天子之權也其或不出 朝聘生殺之權一出于天子而無有一人之敢横行 表首二 侯

金安四人生言

權也其不出于天子而私侵私伐者罪也故凡春秋之 司馬而天子賜諸侯弓矢斧鉞然後得專征伐雖其專 憤 兵有應兵有討不睦有以夷狄侵中國有以中國 攘 凡春秋書殺大夫殺公子者皆罪之夫侵伐有貪兵有 書侵書伐者皆罪之諸侯之大夫公子雖其有罪必請 之亦必其臨時請命于天子而後行是侵伐者天子之 如書朝者皆以罪其朝者與其受朝者九伐之法掌于 于天子而後刑殺馬其不請于天子而顓殺者罪也故 大肆:

夷狄有以中國借夷狄而战中國故戰有彼善于此者 此 相援有同患相恤有以夷狄立盟者故會盟有彼善于 要之無義戰盟會有解誓有固黨有同欲相求有同力 彼善于此者要之無義殺是故春秋自于稷澶淵兩會 '外並不書其故而至于盟會侵伐則絕無一書其故 而要之無義會盟殺大夫有誅叛有討貳有恨諫有 以說于大國有謂為強臣去其所是故殺其大夫有 非略也以為其會其盟其侵其伐其戰既足以著

金定匹库全書

卷首二

其殺者義繁乎其殺之者則其殺也足以者其罪矣義 超其大夫者非畧也以為義繁乎其殺之右而不繁 乎 其官如宋人殺其大夫司馬者亦有併其官不書如曹 沙产日車人方 一 無益于春秋也而徒為蛇足之畫者夫春秋經世之書 罪馬可也說春秋者不達其意而瑣為之說曰其會也 不繫乎其殺者則不必問其為何如人與其為有罪無 以某故殺其大夫也以某故至于盟戰侵伐亦然是皆 白秋鄉美

罪矣不足以問其故也殺大夫必名亦有不名而但書

書某國弑其君某某人弑其君某者是弑之成也是春 臣 きかべし 也其為将也甚矣故臣子至于推刃于其君父而春 也其經世也以正亂賊也易曰臣弑其君子弑其父 禮樂征伐自天子出天下無道則禮樂征伐自 之所痛也臣而竊其君會盟刑殺之權是弑之漸 而竊其君侵伐會盟刑殺之權而久假馬而其之 也是春秋之所辨也孔子當自言之矣日天下有道 一夕矣不早辨也說春秋者亦云人臣無將夫 諸 歸 非 秋

掌其漏于諸侯者而還之天子是春秋撥其亂而反之 次是四事主言一 呼是春秋之勢也望其漏于陪臣大夫者而還之諸侯 尺寸之權矣文桓而下則諸侯又不能自執其權而大 也 正也夫周自東遷以前雖王室已不競矣而其權固在 相 于是尾大之勢成而諸侯横變易禮樂馮聚暴家大 **幽殺而平徒岐豐之地委為草莽遲洛之外聲教阻** 無道而至于自大夫出無道而至于陪臣執國命鳴 朝強弱相切無一不出于諸侯者而天子曾不 春秋辯義 得

ナシテル 晉陽而大夫之為禍烈矣盖天下之勢愈下而春秋之 之權罄于大夫矣行出奔孫陽州孫越入彭城入朝歌入 夫特将也程泉大夫特盟也春秋第日人曰大夫而己 陳鮑擁兵樹黨而主勢孤矣整原仲而私交始矣作三 則名之而會盟侵伐則大夫未有以名見者夫救徐大 夫之交政于中國者攘攘矣三桓六卿七穆孫軍魚華 軍舍中軍而魯之權罄于大夫矣盟溴梁盟宋而天 也愈詳桓僖以前列國之大夫惟特使而與魯接者

若此者非煩也以為繁乎大夫也不繁乎大夫雖夷吾 而下侵伐會盟大夫未有不以名見者雖溴梁之會其 大夫雖其君在而大夫綴盟則亦詳馬溴梁鷄澤是矣 雖 隰朋狐偃趙哀之勲且賢未當以名見馬繁乎大夫雖 君在也而大夫名書鷄澤之盟君既盟也而大夫盟書 不以名見也若此者非略也以為不繫乎大夫也文宣 とこうシー 其君不在而大夫特盟則亦弗許馬雅泉是矣繫乎 如蘇黶首偃高厚華閱則瑣瑣以見馬不繁乎大夫 春秋期美

達其意而曰人大夫貶也夫書人為貶彼黶閱之徒以 者是矣緊乎大夫雖偏禪亦牽連而名之軍之戰是矣 乎其大夫是以終始人之而弗許今曰書人為貶則 名見者乃為褒也邪惟曹薛滕許之大夫始終書人 其弗許大夫者以併治諸侯之為亂賊也說春秋者不 不繫乎大夫雖主即亦略而人之桓僖以前侵伐書 暇而未嘗敢執天下之權也而况其大夫乎盖不繁 秋者曰小國無大夫非也夫此數君者將為人役之 是

金定正是全書

卷首二

齊晉諸大國之大夫偏受震而曹薛縣許之大夫偏受 陵城濮武春秋者以為聖人與之也今亦曰是禮樂征 寶玉大弓書而春秋之正陪臣者又詳矣故孔子欲往 其權而陪臣實執之矣墮邱書管費書圍成弗克書 公山佛肸之召而曰吾其為東周云者即春秋書墮費 耶侯犯南削弗犯陽虎之徒出則大夫又不能自執 **邱意也是春秋之終也或曰盟葵丘盟踐土師于召** 自諸侯出也而奪馬可子曰是不然桓文之未出也 , 文牌美

獲之未害也謂之凶豫之坤曰縣豫縣我致豫未害也 權之聚臣疑于主故較利害則權之散而交闘猶不若 權雖不在天子而諸侯亦未能盡得天子之權也盖其 而六五以為貞疾故桓文者臣之山而主之所以貞疾 不若權之散而未有所屬隨之也曰隨有獲人随而我 而桓文獨盡得天子權也益其權聚權之散臣悖于主 散桓文之既出也則權既不在天子又不在他諸 之聚而可以行禍息民語王道則權之聚而疑主獨 倭

金文四母生書

卷香二

者也且桓文以前諸侯固有相朝者則亦一二小邦而 齊晉亦偃然受諸侯之朝已而終其身未嘗一涉天子 文之與五年一朝三年一聘而諸侯之玉帛相率而走 **未有十餘國而攻一國者是天子之權未有所屬也桓** 亦一國兩國相響相結而已未有舉中國而聽于一 之庭也衣裳之會兵車之會未嘗有一介請于天子也 于其庭天子黼康之前乃不得一人東主而北面者彼 已猶未有六服羣然相朝者固有私盟會擅侵伐者則

欠いううという

春秋辯義

羣狀役屬臣僕于諸侯亦未有如葵丘踐土之甚者戒 侯亦未有如召陵城濮之甚者說春秋者不達其意而 是故糾合諸侯同獎王室未有如葵丘踐土者諸侯之 日會于某盟于某是聖人以諸侯授之齊晉也夫王室 狄攘斤中夏安未有如召陵城濮者而樓諸侯以伐 諸 而誠于勤王誠于攘夷急病而其柄則倒持也其分則 而還之天子也其又推而授之以益其逼也邪使桓文 之不競也諸侯既以盡折而入于齊晉已聖人不能學

卷首二

上陵也聖人猶必律之以法而桓文且將為法受惡矣 謹華夷之辨何也曰楚之先鬻熊為姬文師國于江 者無幾耳又何以責楚也然則聖人所稱民免于左衽 滅譚滅遂本以自肥執曹界宋為譎已甚桓之末年侈 道也穀梁氏日仁不勝道存王室也然則說春秋者曰 而仁之何也日是聖人之專論功也而春秋者專以明 然有封禪革命之心而文至于請隊以葬此其去問縣 况其借名勤王而實則自殖陽為急病而陰欲養亂哉

欠いういことの

春秋鄉美

頻 顯 異楚則功意俱惡齊晉則功遂意惡功意俱惡故聖人 者莫如楚吳其陰逆而陽順者莫如齊晉如斷獄之家 問周之亂革子以王載毒上國吳亦相做而王是亂 之間而泰伯端委以臨吳盖皆神明之肯矣荆人不道 之尤也是以春秋從而貶之春秋諸侯中其顯然為逆 誅之顯誅之故其離直如書卒不書幹君臣同 凡皆直離也功遂意惡故聖人陰奪之陰奪之故 如那遷于夷儀城楚丘狩河陽之類凡皆微辭 辭 其 賊

少丘上人

卷首二

侵春秋始書荆人入祭以獻舞歸則其躑躅之勢已見 結黃連十二國之師而後服楚于召陵文據表裏山河 有難易而楚與中國之所以盛衰其幾有倚伏桓起于 圖 桓文奮而陀之其鋒稍阻文也沒而晉霸哀而楚人之 未與而楚猾中國之始盖桓文之所以院楚者其力 小雅未發而四夷不敢交侵小雅盡發而後四夷交 濱而所從者宋衛陳蔡皆弱國故謀之十餘年結江 北方者遂日長而不可制是故春秋書荆入祭此霸

也 役春秋許晋襄繼霸吾不知也夫楚莊者又疆酋之雄 師 則其氣力不完強敵何近則其勢不暇于略遠故晉 戰而不解是晋人自失一強援自生一強敵失 役而秦晉相警殺者歷四五世戰彭衙戰河曲積十 得策于結秦而晋之不競于楚也失策于響秦自 固而所從者秦晉皆勁國故反國一年僅連三國之 而克楚于城濮一戰而殺其專兵之將然晉之克楚 之衰而楚益横者殺之役實然說春秋者乃曰殺之 強 報

金好四庫全書

卷首二

謂之匱盟盖諸侯猶惴晉人知之也弭兵之說倡而南 時諸侯固有附楚者而猶未敢公然附楚也晋雖已不 北之從交見于是中國諸侯公然朝楚向之玉帛于齊 能盡得諸侯而猶未肯甘心以諸侯委之楚也蜀之盟 之謀益狡矣書楚子圍鄭而中國虎牢之險淪于夷書 耳而遠交秦巴近攻陳鄭則是晉之警秦非特生強 宋人及楚人平而南北衛矣天下之勢一變也雖然于 敵乃又借盗以兵也春秋書楚人秦人巴人滅庸而楚 2272 小人許見

齊晉扼之則是中國果不可無桓文矣今曰禮樂征伐 自諸侯出也而奪馬夫賴人之功以紓患新人之權以 而春秋所以治之又詳矣是春秋之終也或日楚横而 于吳越交兵而世變 極矣書代郑入州來會黃池入吳 而晉人甘心以諸侯委于楚也天下之勢又一變也至 **阨楚者今楚人連之以阨中國矣中之會諸侯獻六王!** 晉者盡在楚矣申之會空中國而聽馬齊晉之所連以 之禮宋之會號之會長楚于晉則是諸侯甘心為楚役

金完匹母全書

卷首二

盗夜入其室則其僕揭兵嘯黨以逐之以僕為不善也 有以譬之今有僕于此鳩黨鑄兵而主人弗能令也然 資敵是責應能之搏而繁其足也不亦迁乎曰不然吾 有霸而至于臣疑其主而莫之惟者非天下之幸也夫 然而足以逐盗以僕為善也然而足以抗主故天下無 春秋之事齊桓晉文是也齊桓晉文之功定而王道明 覇而至于晉楚縱橫而莫之禁者非天下之幸也天下 矣王道明而亂賊懼矣或謂春秋誅亂賊者誅其弑 とこうらいます 一 春秋辯義

者也曰若是則春秋所誅者止于弑三十六君之人 金牙巴尼人言 之專也治大夫也治陪臣也治夷也凡無王者皆亂賊 其亦狹矣然則所謂誅亂賊者何也曰治弑也治諸侯 託哉盖一家之事一家之人任之他弗能與也 又曰春秋天子之事 之道也 百四十二年南面之權以是非天下耳南面之權 國之人任之他弗能侵也唯天子之事天下之 語學者多未之識故謂夫子 卷首二 國之 耳 託 可

皆得分憂共理以替襄有不容自該馬者故當竟之時 Propint Links 非如今人誤認天子之事夫子本不宜託無奈而假託 語明則孔子所云其義則丘竊取云者盖謙不自居耳 子之事也盖謂孔子宜共其事以異賛天子之事也以 存王者之迹也非夫子記天子之權之謂也審得此 孔子目擊臣子叛逆不共其事而誰共哉故云春秋天 乃有知我罪我之說也故讀孟子王者迹熄而詩亡等 即有禹共其事當武之時即有周公共其事當哀之時 春秋辯義

黄省曾氏曰仲尼者執周之禮秉天子之法而議乎諸 又日余當間李愿中言羅仲素說春秋初未甚晚然 金万巨人人一百 侯 後能說春秋也敷 以此心空洞無物而後能好惡與人同好惡與人同而 住羅浮後其就不知何如夫羅浮何與于春秋也豈 語自有深得孔子吾志在春秋之肯 之禮所東者大司寇之法所筆削者太史之職所仗 大夫問其位則仲尼匹夫也考其書則所執者宗伯 卷首二 及

文字日子 Alter 則 必謂其不得已而竊取之也所謂庶人議之也罪我者 徒是非云而已也徒是非云而已者盖徒曰某善人也 侯大夫之罪則此書者可以為誓為辭者也安得謂之 而執言者方伯連即之權也使周王者取此以討乎諸 謂之徒是非云而已也故孔子曰知我罪我也知我者 有夫一事也如刑典之議罪者然有板也有案也安得 某惡人也無其事而徒是非之者也今論夫一人也則 日此宗伯司寇太史與夫方伯連即之所司也爾仲 春秋辯美 古

非聖人志也盾弒不及穿探盾謀也誅歸生而不及宋 君大惡也有不幸而蒙者以嚴戒後世可也幸而免者 尼于無過之地此春秋之義所以不明也 也 王元美日春秋聖人之書也其有疑馬者闕之闕之尊 尼者匹夫也不得而為也則仲尼受以為罪而不辭者 居則何不曰宋歸生弑其君哉必欲懲天下之從亂 也委曲而以意文其辭誤後世者非尊春秋者也就 仲尼躬自受以為罪而學者務欲文而飾之以立仲

老首二

安國曲為之說日圍弑君而伯大合諸侯而莫之討也 書中行偃弑君而以殷人之禮弊惡愈極也其不書名 者而寬天下之首亂者是使人為惡必極也猶未也察 宋向戍鄭子座有獻馬而不敢以為非也聖人至此 在其為筆也公穀求其說而不得則闕之闕之可也胡 氏之釋左日楚以瘧疾赴故不書弑然則史舊文耳安 以幽而輕待書偃以顯我未之前聞也其卒麋何也杜 何也屬公縣而好殺故爾不猶賢于楚盧乎重誅盾

人にり見という

春秋辯義

Ė

金ケレアノニュ 君臣之義也歸而見脇以立靈王就縊也靈胡君也卒 安國說者登聖人于叛黨者也麋弑而比奔比于圍無 莽操裕溫之徒匿其篡截可也偃然而居正統可也為 嗚呼安在其扶中國也為其主盟也而諱之則天下後 梁真董卓天下固已聲之而固誅之矣馬用春秋為也 世必如項籍如梁冀董卓而始得正其罪也如項籍 國也果爾則何不大抑其會而貶削之而顧為之諱哉 之甚懼之甚是故察微顯權輕重而略其篡弑以扶

敷口聖人何可非也經傳之佚秦燼久矣吾徵其信者 胡弑也信此則春秋不作可也曰春秋聖人之書也非 高拱氏曰或問孟子云春秋天子之事也是故孔子曰 而闕其疑者子姑反而求之于心可也 史下四事(min) 本人春秋群義 之事也知孔子者謂此書之作過人欲于横流存天理 作春秋以寓王法惇典庸禮命德討罪其大要皆天子 知我者其惟春秋乎罪我者其惟春秋乎胡氏曰仲尼 于既滅為後世處至深遠也罪孔子者以謂無其位而

福 孔 得肆則戚矣其義然否曰自孟子之有斯言也而聖人 託二百四十二年南面之權使亂臣賊子禁其欲而不 之志益以明自後人之不得乎其言也而聖人之志益 作威作福臣之有作威作福其害于而家凶于而國故 以晦何以故曰洪範有云惟辟作戚惟辟作福臣無有 躬 門明訓也乃自託南面之權以行賞罰也是作威作 不得以自專雖有其德的無其位不敢作禮樂馬此 Ĺ 蹈無君之罪亂賊且自我始而又何以懼 1111 卷十二

伐也天下其孰信之固知其必不然也且春秋孔氏之 賊乎曰周室凌夷諸侯僭亂孔子不得已而假權以行 火とりちている 子之事匹夫行天子之事而乃以誅人之變禮樂專征 謂其僧禮樂專征伐數曰然日熟與夫以匹夫而行天 僭公僭王也天下其孰信之所謂諸侯之亂也者得非 事正以明君臣之分曰所謂諸侯之僭也者得非謂者 齊鄭等之僭公吳楚等之僭王者數曰然曰孰與夫以 匹夫而假天子之柄匹夫假天子之柄而乃以誅 春秋翔美

武之典制天下之所共守之天子之號令行于天下周 書數曰其事則齊桓晉文其文則史是魯史也曰謂曾 知其必不然也曰然則何為天子之事曰孟子不云乎 議禮制度以定一王之法而修之以為魯史是可謂國 史也者則國之公書也謂公書也者必其可以獻之天 王者之迹熄而詩亡詩亡然後春秋作盖西周盛時文 之公書與是可以獻之天子傳之四方垂之後世與固 子傳之四方垂之後世者也周天子在而乃改其正朔

: r \ E

卷首二

泰離遂降為風與列國無異而雅亡矣盖至是禮樂征 伐自諸侯出矣又其降政在于大夫矣又其降陪臣執 敢 尊周天子虚器而已朝會禮廢公卿大夫亦靡所獻納 馬至幽王為犬戎所殺平王東遷周室遂弱然其初典 其變也雖事或不同而王政得失猶自可見亦尚有雅 皆有所以發先德盡下情王政燦然具在是之謂雅 有弗遵也故其朝會照饗之樂與夫受釐陳戒之群 猶存號今猶有行者追其末年衰微益甚天下不復

シュララスショラ 丁

春秋辯義

典制以明天子之號令而春秋作馬春秋始諸曾隐公 隐公元年平王之四十九年也是王迹熄而詩亡之時 命尚未改也文武之典制雖不共守然有可致知也天 子為是懼以為今日之域中誰家之天下周德雖衰天 國命矣暴行交作臣弑君子弑父者接跡于天下矣孔 自是而始乃以繼二雅表王迹續成周之命脉耳盖 詩至是而亡故春秋自是而作王迹至是而熄故春 /號令雖不行于天下狀天子固在于是據文武之

生父也是人工言

卷首二

周之等衰也故曰其義則丘竊取之矣正謂此也若曰 固 當是時天下皆曰周雖有王猶無王也而孔子則曰 之也平王以後政教號令孔子另行之也而文武安 周也書王正者存周之正朔也尊王室以抑諸侯者明 秋天子之事盖謂周天子事猶令人稱我太祖舊制云 非謂孔子氏之為天子也是故取桓文者謂其能尊 有王也其典制其號令故在有可取而行也故曰 秋行天子之事則是平王以前政教號今天子自 周 春

くっこりられるます!

春父醉莪

Ż.

即 金ケロた人 固 出于桓文之所 亦 桓文者乃猶能率約諸侯攘夷狄以尊周室雖其假 桓文也即其取管仲者也彼天下不知有王久矣而 自可見又烏有倍時王之 有 猶愈于不知有王者乎故有取爾也夫以但能尊 也不曰彼善于此則有之乎五伯桓文為盛孔子 而時王安在哉曰桓文豈誠尊周者乎何以取之 取馬而不暇 計其誠與假則聖人不得已之苦 胀者哉 卷首 制而自為天子以行事 周 Ð

詹萊氏曰春秋者有是非而無賞罰者也其曰能爵 是也早則下之如奴隸盗賊之類是也而其人之所行 異域之限也而况仲尼雖聖德其位則早其分則臣子 罪人者鑿也夫以天子之權不得點涉異世之士生殺 逆理犯分亦甚矣而謂夫子為之乎人之恒稱尊則嚴 次定四車全書 ! 或不副其情之所存則尊者或有時而殺而甲者或有 也而敢肆然于天子諸侯卿大夫予奪之進退之其為 如先生大人之 /類是也等則夷之如兄弟媧姬之類 春秋辯義

鞅 尊之者其好貪誠足鄙也而况于恭操者哉其稱乎今 斥言之者其德業誠足崇也而况于若周孔者哉若商 3 F 1 人也亦然春秋之作猶是也王之稱天魯之稱公尊 也而或以赐安去天以會夷請公者其行不足尊故 若祭京若秦檜若賈似道彼豈無爵矣乎而不肯推 若李斯若張湯若桑弘羊若李林甫若王欽若若丁 公若范文正公若司馬温公彼豈無名矣乎而不忍 而登矣且以古人言之若張子房若諸葛武侯若韓

姬以歸鄉稱字其行不可下故弗盡賤也盖聖人睹行 次定四車上書一人春秋鄉義 察識精品第公功罪當故足貴爾非謂聖人有之而他 其也吾今日賞之而明日罰之也春秋之可尚特以其 為之也夫人有是心也非曰其也吾罰之其也吾賞之 弗盡尊也諸侯不生名公族稱公子公孫等也而或 以 失國書名或以弑逆去族其行不足齒故弗盡夷也夷 狄稱國滕妄不録賤也而楚子貞以救鄭稱公子紀季 而感于心繇心而宣之口繇口而筆之書不待矯強而

罄折而立日子之大親母乃不寧子放杖而立日子之 移以就其事與例者遂使本首晦薄誦說浮設愚謂聖 义曰說春秋者類取信于三傳至有經文瞭然而反曲 因之以異從心而達者春秋之褒貶猶是也 葢尊卑疏戚之不同故身之倨仰手之髙下顔色聲氣 兄弟亦得無恙乎曳杖倍而行曰妻子家中得無病子 人獨無也皆者子貢自其家來謁孔子孔子正顏舉 人傷吾道之不行退而刑述惟春秋則其所自作固將

纐 と記り回 則通證之以一經之去取盖誠有不俟傳而後知者 秋 與奪不得則究之以其事之終始又不得則質之以其 辭比事春秋教也故予每伏讀此經固必求之一言之 箋釋狀後微見端緒豈其開物成務之本心哉 記日屬 ,颇若有得遂私録之以備遺忘計十二卷名之曰 明其意如中天以教天下後世而乃秘說掩藏不俟 原經尊經也大抵春秋之褒貶准諸禮而周禮之節 動之後先又不得則旁连以其勢情之向背又不得 7.1.5 春秋辯義 春

春 詳之 所未有而委曲以義起之者有矣或侈然大之如 是時有以見天下之倫法論數好弊縱恣反而求之 文本諸情情者人心之所同有周孔獨得其平者 得乎情作而嘆曰周禮之廢所繇致也遂因魯史而作 加天魯侯稱公之類或惻然隱之如魯弑不地夫人 ケレ人ノー 類或哇然闕之如用致夫人 如紀叔姬宋伯姬之類或屬然覆之如璧假許 一皆斷之以禮所以與天下共是非之也至于禮 卷首二 **姒氏卒之類或亹然** 月當 周 孫 不

則皆可以為春秋矣故曰斯民也三代之所以直道而 善善而惡惡豈無情哉特不若聖人之平馬耳得其平 大問問村鄙之父子兄弟相與談論叙述于華門主賣 至河有疾之類或顯然聞之如趙盾許止弑君之類或 行夫惟聖人之情率于性性通于命命原于天得天道 偷然受之如高子來盟季子來歸之類或佛然拒之如 サース・ラーラー ハー・ 之間其抑揚舒際以發揮其喜怒爱惡者尊尊而親親 入于櫟入于南里之類盖亦其情之不能自己者爾今 春次肆義

者可以為天子故儒者謂春秋為性命之書也謂其以 出王失統始降而霸也春秋治諸侯子其以天道尊王 征伐自大夫出矣自大夫出王統之又失也春秋治大 者奪其不以天道尊王者而後王統尊文宣而後禮樂 鄧元錫氏日莊僖之世禮樂征伐自諸侯出矣自諸侯 則可以為孔子之自大也則不可 夫子其以天道而尊君者奪其不以天道而尊君者而 天道自處也謂其為天子之事也夫以是三者大孔子

後王統存桓莊以前列國之大夫雖管隰狐趙之勲不 人惟曾大夫之持將則書之以大夫惟繁于一國之故 大いううとか 得以魯國之故而詳之大夫之名見于春秋夫子之 見于會盟惟持使而與魯接者則名之以大夫無繁乎 也大夫無繁于天下之故春秋天下之書也故得以天 天下之故也列國之大夫雖先谷藥胥之烈不見于侵 下之故而略之大夫惟繫于一國之故春秋魯史也故 也其翼之曰天下有道則政不在大夫大夫之主 春秋辯義 所

是子委柄于大夫垂雕之盟士殼主之經列士殼于宋 矣易而不知其難故亢而不能下怠而不知其制也 侯盟也自垂龍始也其主諸侯兵也自伐沈始也是晋 等也伐沈之役書叔孫得臣以著卿列國稱人以退諸 大夫人之也者微之也微大夫者峻諸侯大夫之防 也無甲諸侯襄繼文業墨線與戎敗秦矣又敗狄于其 襄之過也桓之鞘也母懷宴安下諸侯而親之文之霸 公陳侯鄭伯之下甲士穀也甲士穀者嚴諸侯大夫之

卷首二

大三日ラム曲 諸侯不目大夫特書曰公會諸侯晋大夫盟于尾正名 侯者宋也魯也陳衛鄭許曹也所謂大夫晉趙盾也始 埒諸侯且不可况得而于其君乎逮同盟于新城則 其為諸侯而後天下之為諸侯者定也正名其為大夫 至扈之盟非林之役而會盟征伐一出于大夫經不列 候列爵矣晋大夫著名矣諸侯列爵而後知前所謂 以主盟之故而先諸侯是不使大夫與諸侯埒也大夫 而後天下之為大夫者定也晉盟主也晉大夫終不得 春秋辯義 諸 諸

會晋師重師也不書盾不以諸侯會大夫也不以大夫 生なせん 邦矣義不可以訓故經于救陳書哥趙盾師師其伐 會盾而伐之也宋陳衛曹之君會盾而伐之是舉諸 同盟新城趙宣孟之謀楚競矣春秋終不以能競之故 不目言正其名已乃目言者者其實盖責實于名也夫 之兵而從盾也舉天下諸侯一晉大夫之從則天下 而先晉治大夫之道也非林之役宋公陳侯衛侯曹 書持書宋公陳侯衛侯曹伯會晋師于非林伐鄭書 とここと 鄭 伯

叔老會鄭伯晉前優衛軍殖宋人伐許先鄭伯也先鄭 主諸侯之兵也若曰莫重于師諸侯之會非林會晉師 ススンローロースにから 鄭弱小矣春秋終不以鄭弱小之故以大夫而先諸侯 伯者不以大夫先諸侯也猶扈果林之志馬夫鄭之為 已馬救陳名之以紀實伐鄭没之以正名盖舉名正實 主兵者未有先晉者也伐許之役鄭伯非兵主矣經書 不以能競之故而得書正大夫之道也且春秋之法非 也夫師莫善于救楚鄭侵陳侵宋而能救競兵春秋終 春秋辯義

矣乃經不書書諸侯盟于扈何也略之也討齊而縣討 非也晉不使大夫盟諸侯也是悼之治大夫也陳之即 書大夫而不復繫之諸侯曰晋悼鷄澤之盟諸侯在列 能為略之也晷之者以為天下無諸侯也故溴梁之會 宋而平責鄭貳而組職大夫之故也君曷故馬傳曰無 金ラビアノニーを 既盟兵而書叔孫豹及諸侯之大夫盟亦大夫專乎曰 又三年而盟扈晉侯主之宋陳衛祭鄭許曹之君成在 正大夫之道也曰扈之盟大夫主之諸侯不列序可矣 卷首二

書諸侯之大夫盟表僑一也繁諸侯者正也君今臣行 陳進與同盟則亢陳大夫故諸侯儼然在列而康大夫 夫有不繁非正也其事同其志異春秋者別嫌明疑 夫盟不繫之諸侯非正也臣繫于君子繫于父妻繁于 君逸臣勞諸侯主而大夫聽命馬正也沒沒會而書大 于山川矣故牡丘會而書諸侯之大夫救徐鷄 澤盟而 不得干馬已乃使諸侯之大夫與之盟而上下之防峻 次三百二八十三 春秋辯義

楚也久矣悼復霸而衣僑如會于是而抑不與盟則棄

夫而遂無諸侯則王統遂総矣故復書諸侯明諸侯之 中國又適合晉楚之從而不書諸侯則遂無諸侯矣大 諸侯之大夫盟又何也存諸侯也諸侯之大夫交正于 **苔人不可言及苔大夫至晋襄使處父盟公經諱不書** 正同異明是非者也曰宋之盟諸侯不在而復書豹 浮來矣經不書大夫書及莒人傳曰疑君也可以言及 未曾無也書諸侯之大夫明大夫有屬也存諸侯之道 也存諸侯存王統也是故春秋之始公及莒大夫盟

是乎以大夫而加于諸侯三家之分魯也六卿之分晉 夫來聘也又盟矣夫聘以為好也聘不信而使大夫者 公傷亂始也成公之世晉首唐來聘也而盟矣衛孫良 要主君以盟烏在其為好乎又諱不書公傷亂遂成也 欠い 万言 ときョー 日僕是不與宅大夫雜居而齊齒者也况大夫君子故 異哉豈足異哉乃陪臣益又微矣仕于公曰臣仕于家 也田之檀齊宋三世之無大夫也斯積漸之勢然豈足 至宋向戍來聘成公崇向戍不于國出郊而與之盟于 春秋蝉美

孰國命亦治之以不治而已矣是故陽虎之柄魯至改 春秋之法陪臣之名不經見以為于王統最遠也而或 誰之為也南削以費叛不書書叔弓師師園費侯犯以 矣經不書書盗竊實玉大弓曰是盗而已矣盗竊重器 國典而從祀矣其欲殺季孫也戰于國都矢者于莊 入于公宫出舍于五父之衢入于誰陽關以叛亂甚 不書書叔孫州仇仲孫何忌帥)矣是色熟色是盧熟盧內邑如國內臣如 師園即日園費園

シケレノ

是叔孫氏之邑也叔孫隨之矣是季氏之邑也季孫墮 之為也先其本而已矣皆治之以不治者也夫季氏之 大きするときる 也春秋之義以貴治賤不以賤治貴以賢治不肖不以 逆節甚矣昭孫不反矣定無正矣虎南蒯犯弗擾未始 之矣益于是而知崇必毀成必壞而極之必反也是天 有極哉故曰是盗而已矣盖至于墮費書墮的又書曰 不肖治賢令虎犯蒯弗機之倫得行其胸臆于逆用豈 不以張公室為口實聖人奪之而不予微之而不著何 春秋鄉美

道 盟 又日楚之為楚始敗察春秋外之舉號而稱判舉號者 而隨世未有逆天之道能終遂而不還者也抑又明過 猶之人也又進之乃子無小不大無做不威又以明變 楚不先陳祭鹿上之盟楚不先齊宋會孟而宋公執 有漸馬而四夷之大不過子則猶微之也是故齊之 與臣同詞者也君與臣同詞賤之矣已稍進而稱 可改馬故治陪臣治大夫而已矣 也始其城而崇之為固也卒極乃毀之而匱又即 師

楚僭矣經書宋公楚子陳侯察侯鄭伯許男曹伯會于 楚子主兵抑稱人而列陳蔡鄭許諸侯於其下不以 荆 書宋公及楚人戰于私宋師敗績文若宋公之自敗然 若公會諸侯而釋然不與楚釋也其敗於弘而傷也經 不與楚執也其釋也經書公會諸侯盟於薄釋宋公文 孟執宋公以伐宋執宋公書先宋文若宋公之自執然 不與楚敗也不以荆蠻加中國也追公子遂如楚乞師 ここうき 而楚人暴驕伐齊取穀而圍宋盖嚴然霸美春秋懼之 子とする

覇而清丘斷道蟲牢新城柯陵之盟畢書同何也傷中 金好也是在書 名于是乎合哥楚之交而盟宋是欲以荆蠻而同中國 國之病于楚也又曰迨宋向戌者欲弭諸侯之兵以為 欲 也志諸侯之合也然自齊桓盟幽雨書而止矣楚莊 書書會諸侯介然諸侯自為會也葢至于宣成之世霸 統絕而楚莊者抗衡于中國夫中國有霸書同盟志同 蠻加中國也介狀內外之防也公會楚子盟于宋諱 不 也薫猶之合雖十年猶臭言同之不可茍也今决内 外 卷旨二

諸侯大放而從楚經列諸侯而不殊會之傷天下之胥 夫曰非也趙武聽之矣曰趙武罪乎曰武安得無聽 荆楚偕亢者同事治諸侯也是失統也曰向戍之罪也 志也又八年而楚靈求諸侯于晉晉無以難而天下之 以自說楚盟駕晉經先晉晉中國也先晉國所以抑楚 為楚也晉主夏盟不與諸侯同心馬以治楚而欲與 國也又六年而復盟于號則楚再駕晉經先晉猶宋之 j 大肆心

之防而同之故楚人志偕気惡趙武不能難而托于信

金安四库全書 安勢不得不趨于平請智管志平矣歸鍾儀又志平矣 兵藥武又力之矣于是乎不務德而日尋于兵争國態 盟以為是諸侯之合也爣有同乎而會先抑魯公不與 維 於是時而入日弭兵能無從乎斯失統久也詩曰無競 盟覇略彌退狄退彌進楚不競而吳昌吳已競而越昌 **貳楚難方構叔向請而王人下臨諸侯成會經復書** 自晋文没而諸大夫者以師武臣力為競也宣孟力之 人四方其訓之是王統也盖至于平丘之會諸侯咸 老首二 同

子于黄池夷夏之介如此其防乎防也謹之至也 子同監不復志于春秋故鍾離之會始會吳也始會吳 曾即吳矣而會晉經終先晉終殊吳書公會晉侯及吳 又日難者日春秋惡詐擊而善偏戰耻伐喪而榮復些 實經列諸侯而殊吳殊之者明同非所同也黃池之會 而列之諸侯之上不可以正名列諸侯之下不可以 何以謂無義戰而盡惡之乎曰春秋之記災雖畝有數 認認然欲構吳抗楚構越以軼吳也失統甚矣于是 恕

沙全四三八字

春秋辯義

į

攻侵伐不可緀數而所善所禁者不二三馬是何以異 之夷狄謂之内比之戰詐謂之義比之不戰則謂之不 于無麥苗之有數並哉不足以難之故謂之無義戰也 有所謂善戰不義之中有義義之中有不義離不能及 義故盟不如不盟然而有所謂善盟戰不如不戰然而 秋之于偏戰復讐也猶其于諸夏也引之魯謂之外 春秋爱人而戰者殺人君子奚善于殺其所愛哉故春 31

秋之義也 皆在于指不任其辭不任其辭然後可以適道矣此春 STAID OF LATER 達時措之權以著世盛襄明人失得扶衰而振微彰善 重也勢極重而不反雖天子諸侯不得而巫馬屯膏小 而避惡者也是故有通春秋而書以法者矣有即一 又日春秋之道奉天而法古明經正之道辨人事之紀 人者也義不繫之其人其書也以紀世世者勢也勢輕 事而權之法者矣通春秋而書以法者義不繁之其 唇秋辫美

馬者乎是故春秋之無諸侯大夫也無義戰義盟也是 者義繁之其人者也義繁之其人其書也以明道以為 金八世屋ノニー 貞貞疾未亡是也况下馬者乎即一人一事而權之法 天下之諸侯以為并棄天下之諸侯是裂之也且是非 以世論者也春秋無諸侯終不以無諸侯之故而并棄 匹夫匹婦不得而奪馬獨立不懼致命遂志是也况上 人者仁也志士仁人無求生以害仁有殺身以成仁雖 諸侯之所能為也春秋無大夫終不以無大夫之故 卷首二 大きりきんはあ! 且是非一大夫之所能為也春秋無義戰義盟終不以 救患于未患扶危于未危危而持之不使傾也患而樂 世而書以法者世之變已馬是故察其所起窮其所止 决也于是而責一人馬春土而塞之豈有救乎故通 為比天下會盟戰攻者而誅之是禁之也且是非 而盡疾天下之大夫以為盡疾天下之大夫是決之也 無義戰義盟之故盡比天下之會盟戰攻者而誅之以 一會一戰一伐之所能為也世之變也猶川放而河之 春秋辯義 盟

誅人之意貸人之跡志正者子亟本直者論輕志邪者 法也則善善也甚長惡惡也甚短全人之耻達人之恭 其極重而不可反也示王者操重察勢必使其反重而 趙平也舉大夫而屬之諸侯不決之於諸侯舉諸侯而 養尊義當正也則引義以正典示王者重微慎勢母使 之不使極也極而存之不使亡也時當需也則遵晦以 亂世反之正莫近于春秋乃其即一人一事而權之 之玉不絕之王也其用歸于以道易世而已矣故曰

金ケレとこと

7/1.10 July 1.1.1 之為亂賊也是以世之故比其人窮誅之而不知罪之 誅亂賊之書也春秋之始專治諸侯之為亂賊也春秋 者于我俱無辭也以是為王道之權衡說者又日春 之中併治大夫之為亂賊也春秋之未併治陪臣執 不待成首惡者罪特重均欺三軍或死或不死必使 死者與我俱無憾也均敗君國或誅或不誅必使其誅 敝也又曰春秋有貶而無褒是以世之故 比舉世而 誅之而不知其情辭之所差也有激者言之也有 春义辯義 命 其 秋

其生成不縣不澤故以為性命之文後世之史幾乎詈 敏之言曰春秋立法謹嚴意實溫厚若天之于萬物 若以霸為霸亂賊為亂賊之為質也求過于功而缺之 非王心也且人道之有好惡也猶天之有陰陽也其有 美刺也猶其有燠烈也今曰有貶而無褒猶有陰而 與馬壹正之于天其斯為曲直之繩墨云羽善乎崔文 也 有凛栗而無溫燠也故以五霸為亂賊而誅之也不 不若以功為功以過為過之為質也物付物而我 卷首二 無 任 無

其您嚔之用矣又曰孟軻氏有言春秋成而亂臣賊子 恨馬雖實亂賊亦有人心然且感其心而知懼也况于 人乎又况賢君良大夫乎是故以孔子之惟心感天下 ついう 人之心使天人理欲之介誠偽之端凛凛乎知所懼 可忍者而著之春秋故曰孔子懼作春秋天下之于 何懼也曰聖人感人心之效也盖音者孔子之視天 體也邪暴亂賊肆行而莫之忌也痛之矣舉其 一心也觸而休惕馬觸而像怛馬又觸而悔痛悼 春火辯義 洧

大馬而假夏大也書爵書公之類是也嚴志動于中、 樂志也秋嚴志也冬哀志也爱志動於中則群温然而 然而有之矣春秋之褒貶也上法乎天行春爱志也夏 春春者蠢也書李子公弟之類是也樂志動于中則群 又日春秋以名姓日月爵號為誅賞諒子曰不必然也 也讀春秋者其必感諸此矣 石關通而甦死起渾氣血復流注也是正人心之大端 如震海雷而蟲蟄船蘇如懸日月而題象潛伏也如鍼

鉄寸寸之以求合則支辟之過也日孔子言之曰斯民 其日月非然者略之矣故曰有之张于几事之文而錄 名非然者斥之矣匹夫匹婦之有恪志也詳其記録謹 類是也今夫匹夫匹婦之有愛志也亞稱其爵必諱其 類是也哀志動于中則辭怛然而傷子般卒夫人歸之 群肅然而厲秋者擊也戎舉號諸侯大夫在馬稱人之 心善求聖人者求之愚夫愚婦之心其以為有微解與 也三代之所以直道而行也善求春秋者求之聖人之 火幹

是故志微而幽則其辭志而晦義深而端則其辭與而 然屬辭以明志辭著而志隱比事以彰教事顯而義微 者篡裁滅執而必行馬亦求之愚夫愚婦之心而足矣 書盟而屢盟馬伐而屢伐馬盟而背馬伐而利馬其大 義者求之過者也該乎日有之矣然不盡然也比事所 不汙其心天而道故解渾渾馬神易無方復而不亂 不厭也其知周萬物而不過則乎事立而情著言近 仁善救人故辭婉而章禮以周已故辭恭而平盡而

金牙巴八全書

卷首二

少是四重 三二 執乎則春秋無達解從變而移夫何常之有易曰初率 凡以明例微詞以抉隱而已簡而信文而深其時有論 之心豈有當哉故素臣如丘明亦惟傳舊史記往故發 其辭而揆其方既有典常尚非其人道不虚行胜子曰 文而刺其艷富以誣也謂言易知乎哉夫言豈一端而 斷 而首遠文約而義博雖游夏之徒莫能與馬緊之塗人)夫各有當也故例可廢乎則周公之典禮實在例 **必歸之君子亦足徵其重慎之至矣猶或執舊史之** 春秋辯義

事春秋教也屬解比事而不亂深於春秋者也隱是深 春秋經世先王之志也聖人議而不辯經解曰屬辭比 于春秋者也 權衡乃夫子當日惟揆天理本人事隨文生義以著 春秋一書自孟子有天子之事一語而莊生則曰先 我有國者而前不見競後不見 既及經聖華而或以 其志馬爾方其未著則君父而冒首惡人子而陷 篡 王之志董生則曰禮義之大宗王文中則曰王道之

PORTO ANTENNA 魚后數人而已僭而懼者止兩觀大蒐數事而已彼 睡夢醒乃所謂懼也若止以書弑書叛書僭為春秋 君三十六懼者止三十六輩而已叛而懼者止林父 之貶罰又止以推刃為試據地為叛顯侈為僭則弑 抵逆者漸私逆者與非私逆而實私逆實私逆而不 之事陰吐其若覆之情毛骨聳而心膽驚羞惡形而 知其為弑逆者莫不抉其隱衷蓄志而巧發其同己 字或以微文點級撥動仰躬弑逆者謀弑逆者將 **林火郎** Ė

之分兩者可以相勝而不可以相然滕之貶為子也 旦悍然為之惟見君父有不是處而一切奢侈犯禮 録是非自見無所增損母乃夫子又僅鈔謄舊史編 之乎非也易春秋者曰左氏據告而書夫子因文成 君大夫則是夫子代天東柄以作私史僭逆且躬為 子點周王魯改正朔命德討罪進退二百四十年之 天下習為固然又安足以動其心哉尊春秋者曰夫 **比成書而已乎亦非也盖天下有貴賤之際有聖賢**

次主四章 Acto 天子得而主之天子不能主亦付之無可奈何耳矣 杞之淪于夷也楚子之主會中國也議復議奪惟周 說者謂得春秋遺意理固然與至于一字之趣微文 反得以自掩子長項羽本紀君實統魏永叔帝五代 夫子固不敢削亦不欲削削之則無以徵實而其罪 道格之則周禮天子下交稱聘諸侯時見為朝而春 春秋無義戰彼善于此二語鼠為有得盖以先王之 之古此聖賢之分夫子不敢讓也說經之義干古惟 春秋鄉美

秋無義聘義朝有事而會不協而盟考德問俗而春 朝矣僖公兩如齊無義聘而有義聘矣衣裳之會無 罪辟無得免者而春秋且為一部刑書決録夫豈聖 秋無義征義戰舉春秋二百四十二年之君臣盡惟 秋無義會義盟天子討而不伐諸侯伐而不討而 濮之戰柏舉之師無義戰而有義戰矣故以王道定 義會而有義愈矣首止之盟無義盟而有義盟矣城 體元生物之心哉然公朝于王所無義朝而有義 春

火を引きくいから 業已紛攘叛亂業已横行桓文出而拯救之譬如烈 湯焰火中得一滴水凉馬安得不與桓文桓文既衰 内者春秋所以自治也當是時周室業已凌荆楚狄 者也論于春秋之外者所以治春秋也論于春秋之 會善盟善戰者夫子之所恕也是所論于春秋之内 因天下之自然就人情之必至而猶有善朝善聘善 之所悲也是所論于春秋之外者也以聖裁權一世 尊而凡天下無義朝義聘義會義盟義戰者夫子 春秋辯義

特其意有微顯詞有隱揚時指從宜不可典要的非 暴邪復作楚莊以蠻夷之君楚靈以弑逆之子吳子 遽與辭詳恨解亦詳奪辭略常辭亦略貴辭重賤辭 義精理明者讀之固有茫然不解耳故喜解劇怒解 其事柏舉之戰明著其績盖夫子于此悲喜係之矣 重開日月此豈中國人所能辨哉故入陳之舉詳書 以蛙黽之傳而戮陳伐宋雪二國走平王發舒華夏 輕正辭確勉嚴弱從解同取辭變此十二解者皆

クシアヒ

次定四車全馬 一 宣溫無忌內比權臣外交與國魯幾為齊所取臣子 陳恍如對面其情固有不得異者馬盖夫人之喜也 時之所进發而雜物之所結撰也夫子以二百四十 年後之人臨二百四十年中之事據案讀史取次披 父母馬猶楚望葉公既欲其青又欲其免胃爾時不 君弑國幾亡誰為主者李子忍自陳返國人望之如 顛倒衣裳精神踴躍不自知其至也魯有襄仲之難 知何以為情書季子來歸快之也非喜辭劇歡哀姜 春秋辯義

處變之正書入書葬書伯姬書叔姬無不備其始末 驕 翱翔惝忆之態俱可想見非 怒辭遽歎紀侯去國 水至矣皆一入為之也且即此一字而夫人挾貴作 也秦伐晉或人之或國之楚自會申以後氣不復振 置晉君亦非忘情中國而聞晉合楚與同滅庸者 此與辭詳也齊裹為魯仇王姬主婚可以引義辭免 不勝痛心疾首當其歸魯書曰夫人姜氏入若曰禍 而迎姬築館書之悉恨之深也此恨解亦詳也奏两 何

贵友也宣賜遂族雖私亦以贵遂也春秋重而族之 亂以開中與仲遂結齊定位以成擁立故僖賜友族 莊公之雙不在後嗣此時魯與齊又有納料之嫌無 也莊公十一年書王姬歸于齊一條與初年迥異盖 而吳越起國勢向衰長好之戰復書楚人此奪離略 為盗不得几于人何賤而輕之至是敷趙盾納捷笛 所崇異故以常辭書之此常辭亦略也季友立君削 日季友仲遂者有以也殺人者有大夫有司寇斥之

Prilip of Like

春秋辯義

得全而歸也書法迁徐委城而一種運留顧惜之情 待也邮降于齊師諱其凌暴之勢也師還善其不戰 言公諱公也俟陳祭次且不進也甲午治兵有托以 不與圍那勢不敢也書師次于郎以俟陳人祭人不 魯與那為同稱之國齊人牽以伐那心不欲也領言 矣書曰勿克納即其能自克而與之也正辭確非乎 于都非力不能也義弗勝也益于令狐之役有悔心 溢于言外趙氏不知以甲午治兵為平時治兵振旅 卷首二 とこの きんはの 以姦出稱會以國事行亦稱會衛晉繼故言立王子 如事不可質亦稱如祭伯言來介葛盧亦言來夫人 之舉引入鬼狩一例夢矣愁辭畐非乎君大夫出 筆削之肯丘竊取之故有前詳而後略者取邑螟災 惡不嫌同離所謂從解同也取解變者其義軍廣正 朝篡位亦言立王猛出入言以子朝出奔亦言以美 是也有前略而後詳者楚君楚將是也義在書人而 名者必有異義僖公以前是也義在書名而人者 必 春秋辯美 里 稱

食なせたノニモ 有異義文公以後是也或微而顯或淺而深或墮而 登或避而就主人心知其微而辭難掉解所謂取辭 變也夫子指此数語以提衡一代貫串全經與醒天 日如是以稱其善善之事而已見惡者曰貶曰斧鉞 褒日華衮日代周天子之五服五章而夫子無意也 然得之于心而成之于手殊無擬議後世見善者曰 下後世一皆師心匠理提筆成文會當日之情事忽 日代周天子之五刑五用而夫子亦無意也日如是

人にりか とこう 移而實格套難執學者區區以例求之固哉 以稱惡惡之事而已明白顯易變動縱橫雖道/法不 春秋辯義 早五

	 			 -
春秋辯義卷首二				金ケレアノコモ
色首二				
				卷首二
	,			
				-